

Lakāga, ada shūwātḱ ga didash niat alth hoigiak.

7 Ma gun shim wilait na hakhokshk ga dida shimhoudikshīt, nini klthgūsh Abrahamt.

8 Adat gwildum nish ga N'lthōdukshum Damisha shimhoudiksha dum gun ksh-hoigiaguntḱ ga Shimoigiat ga Lakā lukshwil zakzogut, gun gwildum ama malshk gut gish Abraham, ash ga houit ga, Nūgun dum wil lūgungautḱsha tḱāni wilzakzogut.

9 Gunt dupniadit gū hakhokshk ga dida shimhoudikshīt shila gumgautḱsha gish ga hūkshimhoudikshum Abraham ga.

10 Āwil shgabō nawagauda dida lūhoigiaguntḱ ga wilalau dum ksh-hadaguntḱ gut : āwil damtk ga dit, Dum ksh-hadaguntḱ ga tḱānish nā wha gup lūhokshk ga dida tḱāni gau damtk ga dida shāōnshkḱum wilalaut ā dum wāl da dit.

11 Wai, ālūdā althga ksh-hoigiaguntḱ gish ligit nā alth wilalau za gunwāl ash ga zalsh ga Shimoigiat ga Lakāga : āwil, Shimhoudiksha dum hadidōlsha hoigiaga dit.

12 Ada althga di wil sha gault wilalau alth shimhoudikshīt : ada alt nāt in wā'an dit, dum lūdidōlsha dit.

13 Lthāt kshagigiagunt Christdidā na ksh-hadagunshk ga wilalaut, ash ga wil nūgum ga gun ksh-hadaguntḱ gut ga : āwil damtk ga dit, ksh-hadaguntḱ ga tḱānish nā liyaga dida lak gunt ;

14 A dum wil goiduksha na gumgaush Abraham da lakau lukshwil zakzogut ash Christ Jesus ga : dup dum wil gāsh ga na ēshk gish ga Haik ga ā shimhoudiksha dum gun wāl dit.

15 Waikia, houunū da wila algiaga giadit ; zō na shimgit algiaga gup ligi

giadit ada zida ltha al dhoiagulth gut althgat nālth dumt in gushguldōsht za ligi dumt shakbiē dit.

16 Wait, Abraham ga dilth na gamait ga na wil ēshk ga di ga, althga houit ā na gakgamai dit za homsh hēltk gut ; yagai homsh gumgault gut, Ada na gamai'in, gūt Christa, na hou dit.

17 Wai, gwai houyū ; kshṱkūlānum yāoulthengushk gaga, nha gwildum dhoiagulsh ga Shimoigiat ga Lakāga, wilalau, gū nha goiduksha dida ltha tḱālpḱa wil qustinshaul da gwili wil giaba gaultḱha da n'tḱulān dit, althgat shgaunt za gunt sha wha da'aklthumshk gish ga na ēshk ga di ga.

18 Āwil amiza wilalau ga za wil wātḱ gish ga gūgwulukshiyānsha ga, lthgūshk ga dum gik wātḱ ga dida ēshk gut ; ada na alt gup ginamt ga Shimoigiat ga Lakāga gish Abraham ash ga ēshk gaga.

19 Wai, dash al gau da gū wilalaut ? Nha dagoiduksh gut ā hadadaḱ ga dum gun hoik ga dit wagait dum wil goiduksh ga gamai ga na wil ēshk ga di ga ; gū nha ondash ga angels ga agwidiyāish ga gault ga Lakākiyāt ga.

20 Wai, althga di shta gaul za gun Lakākiyā di yagai Shimoigiat ga Lakāga gik gaul dit.

21 Dash altht libiltwātḱ ga da wilalau gū ga Shimoigiat ga Lakāga ? Gilau : āwil ami n'za ginamtk gulth wilalau na za sha didōlshat, shimhou n'dum wātḱ ga hoigiaga dida wilalaut.

22 Ada alt tḱuluksh dalthūgun da N'lthōdukshum Damisha tḱāni gau da hadaḱ gut, dum wil ginamtk gish ga ēshk ga gish ga gashimhoudiksha dit āwil shimhoudiksha di dash Jesus Christ da dum gunwāldit.

23 Ada al hawalthk ga goiduksh